

Headlines

*1۔ وزیر اعظم نریندر مو دی نے اُن لوکاں تے تنظیمماں غو شکریو ادا کیو ہے جنہاں نے برسات غا موسم مانہہ قدرتی آفات تیں متاثرہ افراد غی مدد کرتاں واں انسانیت غا وقار نانہہ ٹلند رکھیو۔ وزیر اعظم نے کہیو ہے متاثرین غو ڈکھ مہا رو ڈکھ ہے۔

*2۔ وزیر اعظم غو کہنو تھو ہے قوم نانہہ " آتم نربہر بھارت " غا رستا ور آگے بدھتاں واں مُلک غی ترقی غی خاطر " ووکل فار لوکل " غا مَنتر نانہہ آپناں غی لوڑ ہے۔

*3۔ وزیر داخلہ امت شاہ پہلک جموں دورہ غے دوران سیلاب تیں متاثر افراد نانہہ رلیف مہیا کران با رے اقدامات غو جائزو لیں گا۔

*4۔ وزیر اعلیٰ عمر عبداللہ غو کہنو ہے جے قومی شاہراہ غی بحالی مانہہ 20 تیں 25 روز لگ سکیں۔ اُن غو کہنو تھو ہے قومی شاہراہ غا متبا دل غا طور رور دوجا رستا دستیاب ایں۔

*5۔ تے جموں ڈویزن غا تمام سرکار تے نجی اسکول پہلک یعنی پہلی ستمبر نانہہ وی بند رہیں گا۔

PM MKB

وزیر اعظم نریندر مو دی نے کہیو ہے جے مُلک نانہہ آتم نر بہر یعنی خود کفیل بھارت تے ترقی یا فتنہ بھارت بنان غا رستہ ور آگے بدھنو ویگو۔ اُن غو کہنو تھو ہے اس خاطر " ووکل فار لوکل " غا مَنتر ور چلن غی لوڑ ہے۔ آج آکاشوانی ور من کی بات پروگرام مانہہ اپنا خیالات سانجھا کرتاں واں جناب مودی نے کہیو ہے تہواراں غا موسم غے دوران شہریاں نانہہ سوا دیشی یعنی مُلک مانہہ بنی چیزاں نانہہ نہیں پھلنو چاہیے۔ اُن غو کہنو تھو۔۔۔ باٹ۔۔۔ وزیر اعظم نے کہیو ہے " ایک بھارت سریشٹھ بھارت " تے قومی ایکتا غو مٹلک غی ترقی مانہہ اہم کردار ہے تے کھیڈ وی اس مانہہ اک بڑو کردار ادا کر رہی ہیں۔ اُن غو کہنو تھو جے کھیڈاری غی زندگی مانہہ نکھار پیدہ وے۔ وے ڈل جھیل سرینگر مانہہ کھیلوانڈیا آبی کھیڈ میلہ غو ذکر کر رہیا تھا، جت پورا مُلک تیں 8 سو کھڈاریاں نے شرکت کی۔ اس با رے گل کرتاں واں وزیر اعظم نے کہیو۔۔۔ باٹ۔۔۔ من کی بات پروگرام غے دوران وزیر اعظم نے دو کھڈاریاں اڈیشہ غی رشمیتا ساہو تے سرینگر غا مُحسن علی سنگ گل بات کی، جنہاں نے ان کھیڈاں مانہہ شرکت کر غے طلائی تمغہ حاصل کیا۔ اُن غو کہنو تھو جے رات دن چلن آلا رئوئل پرنمر لیگ غا پہلا کرکٹ ٹورنامنٹ مانہہ جھیڑو

پلوامہ سٹیڈیم مانہہ منعقد ہوئو ریکارڈ تعداد مانہہ لوکاں نے شرکت کی ہے ۔ وزیر اعظم نے کہیو جے ان کرکٹ مقابلان نانہہ دیکھن واسطے نوجوانان غی طرفوں کی جان آلی سرگرم شرکت قابل دید منظر پیش کر رہی تھیں۔ وزیر اعظم غو یوہ وی کہنو تھو جے اس مون سون غا موسم غے دوران البتہ ملک نانہہ قدرتی آفات سنگ ایک آزمائشی دور غو وی سامنو رییو ہے۔ اُن غو کہنو تھو جے گذشتہ گجھ ہفتاں غے دوران ملک نانہہ سخت سیلابی صورتحال تے زمینی توداں غو سامنو کرنو پیو ہے۔ تے ان واقعات نے ملکی عوام نانہہ ڈکھی کر دتو ہے تے اُن غا خانداناں غو غم مہارو سانجھو غم ہے ، جنہاں نے قدرتی آفات مانہہ اپنا لواحقین نانہہ کھو دتو ہے ۔ وزیر اعظم نے کہیو۔ با ٹ۔۔۔ جناب موسیٰ نے بر اُس شہری غو شکریو وی آدا کیو، جنہاں نے آزمائش غا اِس وقت مانہہ انسانیت غو معیار بلند رکھتاں واں آفت زدہ انسانیت غی مدد کی ہے ۔ من کی بات پروگرام غا اِس شمارہ مانہہ بولتاں واں وزیر اعظم مودی نے ڈیجیٹل پلیٹ فارم پرا تیہا سیتو غو وی ذکر کیو ، جھیڑو یوپی ایس سی اُمید واراں غا تمام امتحانی مرحلاں غا اعدادو شمار یعنی ڈاٹا نانہہ محفوظ رکھے جن اُمیدواراں غا ناں فائینل میرٹ لسٹ مانہہ شامل نہیں تھا ۔

HM Jammu Visit

مرکزی وزیر داخلہ امت شاہ پہلکیں یعنی پہلی ستمبر نانہہ جموں غا سیلاب تیں متاثرہ علاقان غو دورو لا ویں گا ۔ وے راج بھون جموں مانہہ رلیف غو تخمینو لان نالے تقسیم کا ری غا اقدامات با رے ایک اعلیٰ سطحی میٹنگ مانہہ جائزو لیں گا ۔ میٹنگ توں پہلاں وزیر داخلہ سیلاب تیں متاثرہ علاقان غو ہوائی سروے کریں گا ۔ اِس میٹنگ غے بعد وے کٹڑہ تے کشتواڑ غا سیلاب تیں متاثرہ علاقان غو دورو لا ویں گا ۔ جت وے بدل پھٹن غا حالیہ واقعات تیں بعد ہوا نقصان غو جائزو لیں گا۔

مزید خبراں نال عبدالمجید ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری موبائل اپپ تے ڈی ٹی ایچ ور (وی دستیاب ہیں)

CM NHW

وزیر اعلیٰ عمر عبداللہ نے اج ضلع رام بن غا مروگ تے ضلع اُدھم پور غا بلی نالا مانہہ قومی شاہراہ 44 غا تباہ شدہ رستاں غو معائینو کیو جھیڑا حالیہ سیلاب تے بدل پھٹن نال متاثر ہوا ہیں ۔ وزیر اعلیٰ نے دسیو ہے جے معائینہ غے دوران پایو گیو ہے جے شاہراہ نانہہ نقصان پُجیو ہے ۔ قومی شاہراں با رے بھارتی حکام این ایچ اے آئی غا عہدیداراں تے ضلع انتظامیہ

نے وزیر اعلیٰ نانہہ دسیو ہے جے شاہراہ ور گڈیاں غی آمدو رفت بحال کرن مانہہ 20 تیں 25 تیہاڑا لگیں گا۔ تے متبادل رستہ دستیاب ہیں۔ اُنہاں نے کہیو۔ بائٹ۔ وزیر اعلیٰ نے چینی تے اُدھم پور بشکا ر شاہراہ ور جا ری بحالی غا کم غو معائنو کیو ہے۔ وے اُدھم پور غے قریب تھرڈ غا مقام ور رُکیا جھیڑو چینی تے اُدھم پور بشکا ر سب تیں زیادہ متاثر علاقو ہے۔ ذرائع ابلاغ نال گل کرتاں واں وزیر اعلیٰ نے دسیو جے وزیر داخلہ امت شاہ مسلسل بارشاں تے سیلاب غی صورتحال غا جائزہ واسطے پہلکیں جموں آر بیا ہیں۔ وزیر اعلیٰ نے کہیو۔۔۔ بائٹ۔۔۔ اُدھم پور تے رام بن غا علاقاں مانہہ پہاری بارشاں غی وجہ نال جموں سرینگر قومی شاہراہ ور مٹی غا تودا آگیا ہیں تے اس دوران شاہراہ مسلسل چھوہیں تیہاڑے وی گڈیاں غی آتوجا ئی واسطے بند رہی۔

School Closed

لگاتار خراب موسم غے پیش نظر پلکیں یعنی 1 ستمبر نانہہ صوبہ جموں گا تمام سرکاری تے نجی اسکول بند رکھن غو حکام نے حکم جاری کیو ہے۔ یوہ حکم نامو اسکولی تعلیم غی ڈائریکٹوریٹ جموں غی طرفوں جاری کیو گیو ہے۔ جس مانہہ دسیو گیو ہے جے اسکولاں نانہہ بند رکھن غو فیصلو طالب علماں تے عملہ غی حفاظت نانہہ یقینی بنان غی خاطر لیو گیو ہے کیونجے پہاڑی علاقاں مانہہ مٹی غا تودا پے ریا ہیں تے تے خطہ مانہہ لگاتار بارشاں بو رہی ہے۔ ڈائریکٹوریٹ نے مزید دسیو ہے جے حالات ور نیڑمی نظر رکھی جا رہی ہے تے اسکول کھولن بارے اگلو فیصلو موسمی حالات غا جائزہ غے بعد لیو جائے گو۔

Experts GDP

ماہرین نے اپریل جون سہ ماہی مانہہ بھارت غی مضبوط ترقی نانہہ سہراتاں واں کہیو ہے جے معیشت تمام توقعات تیں تجاوز کر گئی ہے۔ رواں مالی سال غا پہلا 3 مہیناں مانہہ بھارت غی مجموعی گھریلو پیداوار جی ڈی پی 7.8 فیصدی ہون ور تجارت تے صنعت غا ڈائریکٹر ارون منہاس نے کہیو ہے جے بھارتی معیشت غی کارکردگی توقعات تیں زیادہ ہے۔ تسلسل نانہہ ظاہر کرے تے بدھتاں رجحان غی عکاسی کرے۔ اُنہاں نے کہیو۔ بائٹ۔۔
